


Melan im Peļaakin Āne Tol Ko Āneed

Jikin ko reoktak jān doon ilo āne kein rej ijoko keinikkan ko im menin mour ko rein juon jān doon rej eddek im mour ie. Kajjoja iaan keinikkan im menin mour kein aikuji melān im peļaak eo ekkar īnane bwe en maroñ mour. Nan waan joñak, juon wōjke ej mour ibukun wōjke ko jet, ak juon ek ej mour ilojet.

Melan im peļaak ko ioon āne jej na etaer joor āne. Ekoba bukun wōjke im atake ak jikin kallib ko. Melān im peļaak ko relukkuun epaake dān ak rej pād ilo dān jej na etaer joor meto. Bareinwōt jikin ko ewōr dānnin lał ie, einwōt bōl in iaraj ko, im jikin ko ewōr dānnin lojet ie.

Elaññe jej jab kōjparoki melān im peļaak ko rein juon jān doon ioon āne kein āneed, enaaj ejjelōk jikin an jet menin eddek im menin mour pād im mour, innem renaaj jakołok indeo.



1 BUKUN WÖJKE ko ilo melān ko rōutiej rej eddek ioon āne tol ko rōutiej. Rekūtōkmaaro, roobrak im rōbukwekwe kōn elōn kain keinikkan im menin mour raar baj jokwe wōt ie jān jinojn.



3 MELĀN UJOOJE rej ijoko im relibobo kōn ujooj im āne tol ko rōutiej. Rekūtōkmaaro, roobrak im rōbukwekwe kōn elōn kain keinikkan im menin mour raar baj jokwe wōt ie jān jinojn.



4 PAT KO rej ijoko relibobo im repenjak kōn dānnin lojet im dānnin lał. Elōn ek, baru, im mennin mour ko rej jokwe ilo mar im wōjke ko rej pād im mour ie. Armej rej ekkat iaraj ie.



2 JIKIN KALLIB rej pād ipelaakin jikin ko armej rej jukjuk im amnak ie, ijoko rej kōmman atake im katōki wōjke ko ewōr tokjāer ie. Jikin kein roobrak kōn leen wōjke im menin eddek ko jet raorōk.




5 JOÑ im wōjke ko rej pād ie rej ijoko remaroñ mour ilo dānnin lojet im dānnin lał. Rej eddek wōt turin wōt ioon kappe, im rej apare wōt tōrerein parijet in juon āne. Ne ej ibwij, joñ im wōjke kein rōkwalōk aboojoj in an pat ko bukwekwe.




6 UJOOJIN LOJET rej mar jiddik ko im rej eddek mało ko relimlimi im repijpiji. Elōn ek jiddik ko rōkōn kūtiliek ie nan aer rūtto lōk/eddek lōk ie mōkta jān aer emmāküt lōk nan bar juon jikin.




7 IOON KAPPE rej ijoko rōkabokbok me lojet ej tōpar tok āne ie. Elōn bao in mejatoto, korap, baru, im mennin mour ko jet rej mour im pād iumwin aelellorin kimejān ni ko rej eddek ie.



8 MALO rej mōttan lojet eo ej jepoole ak kapoole āne im pedped ko. Bwijn bwijn mennin mour in lojet rej mour ilo mało kein. Enañin aolep mōñein lojet ko kijed rej itok jān jikin kein ej kōnono kaki.



9 PEDPED rej jāl lōk nan lōmeto rejedmatmat nan an no ko tōri. Ejirūmle tōrereier im rej atartar ippān lōmeto. Ek ko rejlap im elōn wōd ko rein juon jān doon rej mour ilo jikin kein.



10 ĀNE JIDDIK ejjelōk armej ie rej jikin ko epolōmāer nan an wōn ko lik im an bao in mejatoto ko el. Mennin mour kein rōban mour elāññe ejjelōk jikin aer lik im el.

